

A **Campaña Mundial pola Educación** (CME) promove a educación como un dereito humano básico e a presión política sobre os gobernos e a comunidade internacional para que cumpran as súas promesas de prover educación básica gratuíta, obrigatoria e pública a todas as persoas; en particular á infancia, as mulleres e os sectores desfavorecidos da sociedade.

A campaña está impulsada pola convicción de que unha educación de calidade para todos e todas é alcanzable, e pola preocupación polo enorme custo social nos países que carecen dela.

A Campaña Mundial pola Educación, fundada en 1999, reúne a ONG e sindicatos de educación en máis de 150 países arredor do mundo. Por iso, conta cunha capacidade singular de mobilización da sociedade civil.

En España, a Semana de Acción Mundial pola Educación está promovida no ámbito estatal polas seguintes organizacións: Alboan, Axuda en Acción, Educación sen Fronteiras, Entreculturas, FE.CCOO, FERE-CECA, FETE UGT, Fundación Cultura de Paz, InteRed, Jóvenes y Desarrollo e STES-i.



A **Semana de Acción Mundial pola Educación (SAME)** 2010 ponse en marcha no marco da campaña **1 GOL pola educación**, promovida pola CME e avalada pola FIFA.

O Mundial de Fútbol, que se celebrará en Sudáfrica en xuño deste ano, é unha oportunidade única para chegar a millóns de persoas e invitalos a que lles soliciten aos líderes da comunidade internacional que lle dean prioridade á educación e destinen os recursos necesarios, xa que, de non o facer, millóns de persoas continuarán vendo negado o seu dereito á educación.

Durante a SAME millóns de persoas en todo o mundo mobilizáronos baixo o lema **1 GOL pola educación** para esixirlles aos/ás líderes políticos que destinen os recursos necesarios para facer realidade o seu compromiso de lograr a Educación para Todos e Todas en 2015. O noso obxectivo é lograr o apoio de máis de 30 millóns de persoas.

Visita www.1gol.org e www.cme-espana.org para obter máis información e participar na SAME.

¿Como participar na SAME 2010?

1. Traballar a unidade didáctica.
2. Participar nalgúns dos actos que se organizarán en toda España durante a SAME, nos que lles recordaremos aos/ás representantes do goberno español os seus compromisos e a necesidade de que poñan a educación na primeira páxina da súa axenda.
3. Levar nos pulsos un cordón de zapatilla, e mostrar así o teu apoio á campaña.
4. Asinando na páxina web (www.1gol.org) como mostra do teu apoio á campaña. Ademais podes coñecer cómo a educación cambia a vida das persoas, as noticias da campaña ou as actividades que se están a realizar noutras partes do mundo.

1 GOL POLA EDUCACIÓN



SEMANA DE ACCIÓN
MUNDIAL POLA
EDUCACIÓN 2010
19 - 25 de abril



Financiar a educación pública de calidade: un dereito para todos/as

www.cme-espana.org

Financiar a educación pública de calidade: un dereito para todos/as

1GOL.ORG

Campaña Mundial pola
EDUCACIÓN
www.cme-espana.org



XUNTA DE GALICIA
CONSELLERÍA DE PRESIDENCIA,
ADMINISTRACIÓN PÚBLICA E XUSTIZA
Dirección Xeral de Relacións Exteriores
e coa Unión Europea

cooperación galega



No ano 2000, dirixentes de máis de 180 países acordaron os obxectivos de Dacar, unha serie de obxectivos e metas para lograr unha educación de calidade para todos e todas:

1. Estender e mellorar a educación infantil.
2. Asegurar unha educación primaria gratuíta, obrigatoria e de boa calidade para todos e todas.
3. Acceso a programas de preparación para a vida activa para todas as persoas novas e adultas.
4. Incrementar os niveis de alfabetización de persoas adultas nun 50%.
5. Eliminar a disparidade entre sexos na educación primaria e secundaria antes de 2005, e lograr a igualdade entre sexos no 2015.
6. Mellorar a calidade da educación.

Aínda que se lograron algúns avances, se se mantén a mesma liña de acción que ata agora, non se alcanzarán os obxectivos nin en 100 anos máis. Traballemos para reverter esta situación. Está nas nosas mans facer que estes obxectivos se fagan realidade.



Necesítanse 16.000 millóns de dólares anuais para lograr a Educación para Todos e Todas en 2015.

Quedan só 5 anos para a data límite que os países fixaron para cumprir os obxectivos de Educación para Todos e Todas (EPT).

- 72 millóns de nenas e nenos non están escolarizados (o 54% son nenas) e, de continuar así, en 2015 serán polo menos 56 millóns.
- 759 millóns de persoas adultas non saben ler nin escribir, dous terzos das cales son mulleres. De seguir así, en 2015 serán 710 millóns.
- Só o 37% dos países do mundo lograron a paridade entre rapaces e rapazas no ensino secundario.
- En todo o mundo serán necesarios 18 millóns de docentes para conseguir en 2015 a EPT.

A pesar de todo, **dende o ano 2000 en moitos países realizáronse grandes avances** en aspectos como a universalidade do ensino primario (40 millóns de nenos e nenas máis asisten hoxe á escola) e a paridade entre os sexos no acceso á educación (Bangladesh ten o mesmo número de nenas e nenos na escola primaria).



O **estancamento da Axuda Oficial ao Desenvolvemento (AOD)** destinada a educación é un motivo de preocupación:

- A axuda dos países de axuda á Educación Básica descendeu nun 22% no 2007 respecto a anos anteriores e estancouse en 4.300 millóns de dólares anuais, o cal supón un 25% dos 16.000 millóns de dólares adicionais necesarios para conseguir os obxectivos da EPT.

O reto da comunidade internacional para alcanzar os obxectivos de Dacar e do Milenio é **conseguir a cantidade de recursos necesaria para financiar a Educación Básica Universal para todos e todas.**

Fonte: UNESCO

A CME esixe:

Á cooperación española

- **Incrementar o seu financiamento á educación nos países do Sur**, dedicando polo menos o 8% da AOD á Educación Básica, tal e como se comprometeu a Secretaría de Estado para Cooperación, Soraya Rodríguez, en novembro de 2008.

- **Impulsar os trocos de débeda por educación**, eliminando a súa vinculación á compra de bens e servizos de orixe española.

- **Aumentar o financiamento** e posibilitar unha maior predicibilidade dos fondos.

Aos países do Sur

- Dedicar ao menos **o 20% dos seus orzamentos e o 6% do PNB** á educación, e eliminar toda clase de taxas e custos.

- Elaborar políticas e prácticas destinadas a lograr a **igualdade de xénero** en e a través da educación.

- Poñer en marcha unha política educativa que mellore a **calidade da educación**.

- **Pagar un soldo digno** ao profesorado e ofrecerlle formación continua.

- **Incluir medidas específicas** que aseguren unha educación de calidade para os sectores máis desfavorecidos e para as persoas adultas.

Ás institucións internacionais

- **Ampliar os obxectivos da FTI**, de maneira que impulse os países a abordar os seis obxectivos da EPT.

- **Ter en conta os obxectivos de Dacar** como marco estratéxico para o apoio á educación que complemente os ODM.

- Garantir que todos os países do sur, que contan cun **Plan de Educación para Todos e Todas**, acorde cos compromisos de Dacar, reciban o apoio da **FTI**, en especial os 60 países de renda baixa.

